

periales Metropolis nomine honorata fuerant, honore perfruerentur, & qui ejus Ecclesiam administrabat Episcopus, servato veræ Metropoli suo jure pro Metropolita haberetur. Id sane tanto verisimilius existimo, quod primi Ecclesiæ Patres in majoribus urbibus primas sedes constituerint, decreveritque Concilium Antiochenum ^a, Episcopum qui præest Metropoli, etiam curam suscipere debere totius Provinciæ, eo quod in Metropolim undequaque concurrant omnes qui habent negotia.

Hujus equidem Episcopum Metropolitam dictum apud Balsamonem ^b reperio in Nomocan. Photii. *Cum defunctus*, inquit, *sanctissimus Athenarum Metropolitanus, & inclutus Dominus Nicolaus Hagiotheodoretus ad Synodum retulisset*, magnam hinc animabus perniciem afferri in nonnullis, qui in sua provincia in septimo gradu matrimonium clandestinum contraherent propter metum pœnae, facta est synodalis declaratio. Sed & idem Balsamo ^c in Synodi sextæ Canones scribens hunc nominat ἀρχιερέα, hoc est, Archiepiscopum. Ejus verba sunt: *Hæc cum sacer Canon jubeat, & eos excommunicet qui præter hæc faciunt, sæpe dictum est à diversis Archiepiscopis, qui habent ex aurea bulla Clericos, Athenarum scilicet & Mesembriae, & aliis, quod qui ex antiquis Clericis descenderunt, cogunt ipsos eos qui non sunt Clero digni ordinare.* Adde, quod in Diatyposi Patriarchatus Constantinopolitani Leoni Imperatori tributa apud Leunclavium legitur, Athenarum Metropolitano Exarcho Helladis subjectos fuisse decem Episcopatus, scilicet Euripi, Diaulix, Coroneæ, Andri, Orei, Scyri, Carysti, Porthmi, Aulonis & Syrae; eumque avulsum à Romano Patriarchatu, sicut & Theffalonicensem, Syracusanum, Corinthium, Rhegium, Nicopolitanum & Patrensem, ut Constantinopolitano Patriarchæ subjiceretur. Favet quod Patrensis Episcopus jam Metropolita esset tempore Concilii Chalcedonenfis, ut mox subjungemus, cum haud probabile sit Patrensem Sedem ante Atheniensem ad talem honoris gradum evectam fuisse, cui multo inferior erat. Attamen Atheniensem Episcopum jura omnia Metropolitæ, & Suffraganeos ante finem sexti sæculi obtinuisse absolute non dixerim, maxime cum inter Suffraganeos Corinthi subscribat in actis Concilii Chalcedonenfis.

Patra civitas Pausania ^d & Stephano testibus, prius Aroë dicta est, recenseturque inter primas urbes Achæiæ: sed ejectis Ionibus ab Achæis Patraeus Preugenis filius, Agenoris nepos, qui ab Amycla & Lacedæmone majores deducebat, aucto mœnium ambitu, hanc de suo nomine Patras appellavit. Situs ejus est in longissimo Peloponnesi promontorio, ex adverso Ætolix & Eueni fluminis: maximeque apud antiquos fuit celebris ex martyrio D. Andreæ Apostoli, qui sub Ægea Proconsule apud eam passus est: nec non ex Sede Metropolitana, quam in ea olim fuisse evidenter probat Notitia Constantinopolitana prædicta apud Leunclavium. Siquidem in ejus fine inter Metropoles à Romano Patriarchatu ab ipsis avulsas, Constantinopolitanoque subditas recensetur. Sed longè prius ad hunc Metropolis gradum, saltem quoad honorem evectam esse non leviter conjicio ex Catalogo Metropolitanarum, ad quos scripsit Leo Imperator, qui in fine Concilii ^e Chalcedonenfis extat, & in quo Patrensem Episcopum inter eos videre est. Hunc inter Suffraganeos Metropolitæ Corinthiorum, Epistolæ Synodicæ ^f Achajæ sub- scripsisse non diffiteor: sed quamvis ex hoc satis clare probetur eum Suffraganeos non habuisse hujus Concilii tempore, nil tamen obstat, quominus inter Metropolitas honorarios locum haberet, qui tunc Corinthiorum vero Metropolitæ parebant, & inter ejus Suffraganeos subscripti ut plurimum leguntur in Conciliis.

Gortyna Stephano urbs Cretæ, quæ prius Larissa & postea Cremnia vocata est. De hac ita Notitia Græca Imperii Romani: *Creta habet maximam civitatem nomine Gortynam, ubi & Circum insignem esse dicunt.* Sed plura Eustathius ad Dionysium his verbis: *Gortyn etiam Gortyna dicitur. Eam sacram vocat Dionysius, vel propter gloriam, vel imitatus Homerum, qui civitates appellat sacras, propter*

^a Concil. Antioch. Can. 9.

^b Balsam. in Nomoc. Phot. tit. 13.

^c Ε'τους ἀνεγεν- κόντος συνδικῶ τῶ ἀποισσόμενα ἱερωτάτα μητροπολίτου Αθηνῶν, καὶ ὑπερτίμου κυρίου Νικολάου, &c.

^d Idem in Can.

^e 33. sextæ Synodi.

Ελαλήθη πολλάκις περὶ διαφορῶν ἀρχιερέων ἐχόντων ἀπὸ χρυσοβάλλων κληρικῶν ἡγουν τῶ Αθηνῶν, τῶ Μεσημερίας, καὶ ἐτέρων, &c.

XXI.

PATRÆ METROPOLIS HONORARIA.

^d Pausan. lib. 7. cap. 18.

^e Parte 3. Concil. Chalced.

^f Epist. Synod. Achajæ 3. parte Concil. Chalced.

XXII.

GORTYNA CRETÆ METROPOLIS.